


# 陳書

列傳

自二十九至三十

十二




漢書門			
九〇	四四	三三	類
一三	七三	函	架
冊			

內閣文庫			
六〇	五〇	四三	漢書
函	一四	三三	架
一六	冊	號	類

內閣文庫			
番號	漢	5043	
冊數	13	( <del>12</del> 13)	
函號	280	54	





淺草文庫

列傳第二十九

陳書三十五

唐姚思廉撰

日東志村三左衛門楨幹句讀

熊曇朗

周迪

留異

陳寶應

熊曇朗豫章南昌人也世為郡著姓曇朗跡弛不羈有膂力容貌甚偉侯景之亂稍聚少年據豐城縣為柵築黠劫盜多附之梁元帝以為巴山太守荆州陷曇朗兵力稍彊劫掠隣縣縛賣

宝永二年

東書傳卷三十一

松會堂

反瑱之  
瑱旧作  
鎮

居民山谷之中最為巨患及瑱鎮豫章曇朗  
外示服從陰欲圖瑱瑱方見之反瑱也曇朗為  
之謀主瑱敗曇朗獲瑱馬仗子女甚多及蕭勃  
踰嶺歐陽頔為前軍曇朗給頔共往巴山襲黃  
法氈又報法氈期共破頔約曰事捷與我馬仗  
及出軍與頔犄角而進又給頔曰余孝頃欲相  
掩襲須分留奇兵甲仗既少恐不能濟頔乃送  
甲三百領助之及至城下將戰曇朗偽北法氈  
乘之頔失援狼狽退劔曇朗取其馬仗而歸時

巴山陳定亦擁兵立寨曇朗偽以女妻定子必  
謂定曰周迪余孝頃並不願此婚必須以彊兵  
來迎定乃遣精甲三百并土豪二十人往迎既  
至曇朗執之收其馬仗並論價責贖紹泰二年  
曇朗以南川豪帥隨例除游騎將軍尋為持節  
颯猛將軍桂州刺史資領豐城令歷宜新豫章  
二郡太守王琳遣李孝欽等隨余孝頃於臨川  
攻周迪曇朗率所領赴援其年以功除持節通  
直散騎常侍寧遠將軍封永化縣侯邑一千戶

四書傳卷二十一  
給鼓吹一部又以抗禦王琳之功授平西將軍  
開府儀同三司餘竝如故及周文育攻余孝勤  
於豫章曇朗出軍會之文育失利曇朗乃害文  
育以應王琳事見文育傳於是盡執文育所部  
諸將據新淦縣帶江爲城王琳東下世祖徵南  
川兵江州刺史周迪高州刺史黃法氈欲沿流  
應赴曇朗乃據城列艦斷遏迪等與法氈因帥  
南中兵築城圍之絕其與琳信使及王琳敗走  
曇朗黨援離心迪攻陷其城虜其男女萬餘口

曇朗走入村中村民斬之傳首京師懸于朱雀  
觀於是盡收其黨族無少長皆弃市

周迪臨川南城人也少居山谷有膂力能挽彊  
弩以弋獵爲事侯景之亂迪宗人周續起兵於  
臨川梁始興王蕭毅以郡讓續迪召募鄉人從  
之每戰必勇冠衆軍續所部渠帥皆郡中豪族  
稍驕橫續頗禁之渠帥等竝怨望乃相率殺續  
推迪爲主迪乃據有臨川之地築城于工塘梁  
元帝授迪持節通直散騎常侍壯武將軍高州

刺史封臨汝縣侯邑五百戶紹泰二年除臨川  
內史尋授使持節散騎常侍信威將軍衡州刺  
史領臨川內史周文育之討蕭勃也迪按甲保  
境以觀成敗文育使長史陸山才說迪迪乃大  
出糧餉以資文育勃平以功加振遠將軍遷江  
州刺史高祖受禪王琳東下迪欲自據南川乃  
摠召所部八郡守宰結盟聲言入赴朝廷恐其  
爲變因厚慰撫之琳至湓城新吳洞主余孝頃  
舉兵應琳琳以爲南川諸郡可傳檄而定乃遣

其將李孝欽樊猛等南徵糧餉猛等與余孝頃  
相合衆且二萬來趨工塘連八城以逼迪迪使  
周敷率衆頓臨川故郡截斷江口因出與戰大  
敗之屠其八城生擒李孝欽樊猛余孝頃送于  
京師收其軍實器械山積并虜其人馬迪竝自  
納之永定二年以功加平南將軍開府儀同三  
司增邑一千五百戶給鼓吹一部世祖嗣位進  
號安南將軍熊曇朗之反也迪與周敷黃法氈  
等率兵共圍曇朗屠之盡有其衆王琳敗後世

祖徵迪出鎮溢城又徵其子入朝迪越趙顧望  
竝不至豫章太守周敷本屬於迪至是與黃法  
甄率其所部詣闕世祖錄其破熊曇朗之功竝  
加官賞迪聞之甚不平乃陰與留異相結及王  
師討異迪疑懼不自安乃使其弟方興率兵襲  
周敷敷與戰破之又別使兵襲華皎於溢城事  
覺盡為皎所擒三年春世祖乃下詔赦南川士  
民為迪所誑誤者使江州刺史吳明徹都督衆  
軍與高州刺史黃法甄豫章太守周敷討迪於

明李贍  
芳校本  
獸作虎  
此史本  
諱虎代  
以獸

是尚書下符曰告臨川郡士庶昔西京為盛信  
越背誕東都中興萌寵違矣是以鷹鷂競逐苑  
醢極誅自古有之其來尚矣逆賊周迪本出輿  
臺有梁喪亂暴掠山谷我高祖躬率百越師次  
九川濯其泥沙假以毛羽裁解豚佩仍剖獸符  
郊翼之恩方斯莫喻皇運肇基頒布誠款國步  
艱阻竟微効力龍節繡衣藉王爵而御下熊旗  
組甲因地險而陵上日者王琳始貳蕭勃未夷  
西結三湘南通五嶺衡廣勘定既安反側江郢

宣永三年

東晉書卷之三

松會堂

紛梗復生，攜背擁據一郡，苟且百心，志貌常違。言迹不副，特以新兵未靜，地遠兵彊，互相兼并。成其形勢，收獲器械，俘虜士民，竝曰私財，曾無獻捷。時遣一介，終持兩端，朝廷光大，含弘引納。崇遇遂乃位等，三槐任均，四嶽富貴，隆赫超絕。功臣加以出師，逾嶺遠相，響援按甲，斷江翻然。猜拒故司空，愍公敦以宗盟，情同骨肉，城池連接，勢猶膏齒，彭亡之禍，坐觀難作。階此豐故，結其黨與，于時北寇侵軼，西賊憑陵，罪履煥耀，悉

以資寇，爵號軍容，一遵偽黨。及王師凱振，大定區中，天網恢弘，弃之度外，璽書綸誥，撫慰綢繆。冠蓋縉紳，敦授重疊，至於熊曇朗，勦滅豐城，克定。蓋由儀同法，甄之元功，安西周敷之効，亦司勳有典，懋賞斯舊，惡直醜正，自為仇讎，悖禮姦謀，因此滋甚，徵出滏城，歷年不就，求遣侍子，累載未朝，外誘逋亡，招集不逞，中調京輦，規與非常，擅歛征賦，罕歸九府，擁遏二賈，害及四民，潛結賊異，共為表裏，同惡相求，密加應援，謂我六



軍薄伐三越未寧屠破述城虜縛妻息分襲溢  
 鎮稱兵蠡邦拘逼酋豪攻圍城邑幸國有備應  
 時刃殄假節通直散騎常侍仁武將軍尋陽太  
 守懷仁縣伯華皎明威將軍廬陵太守益陽縣  
 子陸子隆竝破賊徒剋全郡境持節散騎常侍  
 安西將軍定州刺史領豫章太守西豐縣侯周  
 敷躬扞溝壘身當矢石率茲義勇以寡摧衆斬  
 馘萬計俘虜千群迪方收餘燼還固墉堞使持  
 節安南將軍開府儀同三司高州刺史新建縣

朽旧作

侯法甄雄績早宣忠誠夙著未奉王命前率義  
 旅既援敷等又全子隆裒糧擐甲仍躡飛走批  
 熊之旅驅馳越電振武之衆叱咤移山以此追  
 奔理無遺類雖復朽株將拔非待尋斧落葉就  
 殞無勞烈風但去草絕根在於未蔓撲火止燎  
 貴乎速滅分命將帥寔資英果今遣鎮南儀同  
 司馬湘東公相劉廣德兼平西司馬孫暎北新  
 蔡太守魯廣達持節安南將軍吳州刺史彭澤  
 縣侯魯悉達甲士萬人步出興口又遣前吳興

宣統三年

東晉書卷之九

二

松會堂

太守胡櫟樹功將軍前宣城太守錢法成天門  
 義陽二郡太守樊毅雲麾將軍合州刺史南固  
 縣侯焦僧度嚴武將軍建州刺史辰縣子張智  
 達持節都督江吳二州諸軍事安南將軍江州  
 刺史安吳縣侯吳明徹樓艦馬步直指臨川前  
 安成內史劉士京巴山太守蔡僧貴南康內史  
 劉峯廬陵太守陸子隆安成內史闕慎竝受儀  
 同法斃節度同會故郡又命壽陽太守華皎光  
 烈將軍巴州刺史潘純陀平西將軍郢州刺史

欣樂縣侯章昭達竝率貔豹逕造賊城使持節  
 散騎常侍鎮南將軍開府儀同三司湘州刺史  
 湘東郡公度分遣偏裨相繼上道戈船蔽水鼓  
 騎彌山又詔鎮南將軍開府儀同三司歐陽頔  
 率其子弟交州刺史盛新除太子右率遂衡州  
 刺史侯曉等以勁越之兵踰嶺北邁千里同期  
 百道俱集如脫稽誅更淹旬晦司空大都督安  
 都已平賊異凱歸非父飲至禮畢乘勝長驅勦  
 撲凶醜如燎毛髮已有明詔罪唯迪身黎民何  
 室永二年

辜一皆原宥其有因機立功賞始別格執迷不改刑茲用赦吳明徹至臨川令衆軍作連城攻迪相拒不能尅世祖乃遣高宗摠督討之迪衆潰妻子悉擒乃脫身踰嶺之晉安依于寶應寶應以兵資迪留異又遣第二子忠臣隨之明年秋復越東興嶺東興南城永成縣民皆迪故人復共應之世祖遣都督章昭達征迪迪又散于山谷初侯景之亂也百姓皆弃本業羣聚爲盜唯迪所部獨不侵擾竝分給田疇督其耕作民

下肆業各有贏儲政教嚴明徵歛必至餘郡之絕者皆仰以取給迪性質朴不事威儀冬則短身布袍夏則紫紗祿腹居常徒跣雖外列兵衛內有女伎按繩破篋傍若無人然輕財好施凡所周贍毫釐必鈞訥於言語而襟懷信實臨川人皆德之至是竝共藏匿雖加誅戮無肯言者昭達仍度嶺頓于建安與陳寶應相抗迪復收合出東興時宣城太守錢肅鎮東興以城降迪吳州刺史陳詳率師攻迪詳兵大敗虔化侯陳

宣永二年

陳書傳卷五十九

松會堂

諛陳留太守張遂竝戰死於是迪衆復振世祖  
遣都督程靈洗擊破之迪又與十餘人竄于山  
穴中日月轉久相隨者亦稍苦之後遣人潛出  
臨川郡市魚鮭足痛舍於邑子邑子告臨川太  
守駱牙執之令取迪自効因使腹心勇士隨  
入山中誘迪出獵伏兵於道傍斬之傳首京都  
梟于朱雀觀三日

留異東陽長山人也世爲郡著姓異善自居處  
言語醞藉爲鄉里雄豪多聚惡少陵侮貧賤守

宰皆患之梁代爲蟹浦戍主歷晉安安固二縣  
令侯景之亂還鄉里召募士卒東陽郡丞與異  
有隙引兵誅之及其妻子太守沈巡援臺讓郡  
於異異使兄子超監知郡事率兵隨巡出都及  
京城陷異隨臨城公蕭大連大連板爲司馬委  
以軍事異性殘暴無遠略督責大連軍主及以  
左右私樹威福衆竝患之會景將軍宋子仙濟  
浙江異奔還鄉里尋以其衆降于子仙是時大  
連亦趣東陽之信安嶺欲之鄱陽異乃爲子仙

鄉導令執大連侯景署異為東陽太守收其妻  
子為質景行臺劉神茂建義拒景異外同神茂  
而密契於景及神茂敗績為景所誅異獨獲免  
侯景平後王僧辯使異慰勞東陽仍糾合鄉閭  
保據嚴阻其徒甚盛州郡憚焉元帝以為信安  
令荊州陷王僧辯以異為東陽太守世祖平定  
會稽異雖轉輸糧饋而擁擅一郡威福在己紹  
泰二年以應接之功除持節通直散騎常侍信  
武將軍縉州刺史領東陽太守封永興縣侯邑

五百戶其年遷散騎常侍信威將軍增邑三百  
戶餘竝如故又以世祖長女豐安公主配異第  
三子貞臣永定二年徵異為使持節散騎常侍  
都督南徐州諸軍事平北將軍南徐州刺史異  
遷延不就世祖即位改授都督縉州諸軍事安  
南將軍縉州刺史領東陽太守異頗遣其長史  
王漸為使入朝漸每言朝廷虛弱異信之雖外  
示臣節恒懷兩端與王琳自鄱陽信安嶺潛通  
信使王琳又遣使往東陽署守宰及琳敗世祖

室承三年

陳書卷之九

二

松人會堂

遣左衛將軍沈恪代異爲郡實以兵襲之異出  
下淮抗禦恪與戰敗績退還錢塘異乃表啓遜  
謝是時衆軍方事湘郢乃降詔書慰喻且羈縻  
之異亦知朝廷終討於已乃使兵戍下淮及建  
德以備江路湘州平世祖乃下詔曰昔四罪難  
弘大媯之所無赦九黎亂德少昊之所必誅自  
古皇王不貪征伐苟爲時蠱事非獲已逆賊留  
異數應亡滅繕甲完聚由來積年進謝群龍自  
躍於千里退懷首鼠恒持於百心中歲密契番

禹既弘天網賜以名爵敦以國姻儻望懷音備  
能葦面王琳竊據中流翻相應接別引南川之  
嶺路專爲東道之主人結附凶渠唯欣禍亂既  
袂氛盪定氣沮心孤類傷鳥之驚弦等窮獸之  
謀觸雖復遣家人質子陽之態轉道侍子還朝  
隗躡之心方熾朕志相成養不計疵慝披襟解  
帶敦喻殷勤蜂目彌彰梟聲無改遂置軍江口  
嚴戍下淮顯然反叛非可容匿且縉邦膏腴稽  
南殷曠永割王賦長壅國民竹箭良材絕望京

輦萑蒲小盜共肆貪殘念彼餘賸兼其慨息西戎屈膝自款重關秦國依風竝輸侵地三邊已入四表咸寧唯此微妖所宜清殄可遣使持節都督南徐州諸軍事征北將軍司空南徐州刺史桂陽郡開國公安都指往擒戮罪止異身餘無所問異本謂官軍自錢塘江而上安都乃由會稽諸暨步道襲之異聞兵至大恐奔郡奔于桃支嶺於嶺口立柵自固明年春安都大破其柵異與第二子忠臣奔于陳寶應於是虜其餘

黨男女數千人天嘉五年陳寶應平并擒異送都斬于建康市姪及同黨無少長皆伏誅唯第三子貞臣以尚主獲免

陳寶應晉安侯官人也世爲閩中著姓父羽有材幹爲郡雄豪寶應性反覆多變詐梁代晉安數反累殺郡將羽初竝扇惑合成其事後復爲官軍鄉導破之由是一郡兵權皆自己出侯景之亂晉安太守賓化侯蕭雲以郡讓羽羽年老但治郡事令寶應興兵是時東境饑饉會稽尤

寶永三年 松會堂

甚死者十七八平民男女並皆自賣而晉安獨  
豐沃寶應自海道寇臨安永嘉及會稽餘姚諸  
暨又載米粟與之貿易多致王帛子女其有能  
致舟乘者亦並奔歸之由是大致貨產士衆彊  
盛侯景平元帝因以羽爲晉安太守高祖輔政  
羽請歸老求傳郡于寶應高祖許之紹泰元年  
授壯武將軍晉安太守尋加負外散騎常侍二  
年封候官縣侯邑五百戶時東西嶺路寇賊擁  
隔寶應自海道趨于會稽貢獻高祖受禪授持

節散騎常侍信武將軍閩州刺史領會稽太守  
世祖嗣位進號宣毅將軍又加其父光祿大夫  
仍命宗正錄其本系編爲宗室并遣使條其子  
女無大小並加封爵寶應娶留異女爲妻侯安  
都之討異也寶應遣兵助之又資周迪兵糧出  
寇臨川及都督章昭達於東興南城破迪世祖  
因命昭達都督衆軍由建安南道渡嶺又命益  
州刺史領信義太守余孝頃都督會稽東陽臨  
海永嘉諸軍自東道會之以討寶應并詔宗正



西書傳卷二十九  
絕其屬籍於是尚書下符曰告晉安士庶昔隴  
西旅拒漢不稽誅遼東叛渙魏申宏略若夫無  
諸漢之策勲有扈夏之同姓至於納吳淠之子  
致橫海之師違姒啓之命有甘誓之討况迺族  
不繫於宗盟名無紀於庸器而顯成三叛豐深  
四罪者乎案閩寇陳寶應父子卉服支孽本迷  
愛敬梁季喪亂閩隅阻絕父既豪俠扇動蠻陬  
椎髻箕坐自爲渠帥無聞訓義所資姦諂爰肆  
蜂豺俄而解印炎行方謝網漏吞舟日月居諸

弃之度外自東南王氣寔表聖基斗牛聚星允  
符王迹梯山航海雖若款誠擅割瓌珍竟微職  
貢朝廷遵養舍弘寵靈隆赫起家臨郡兼畫繡  
之榮裂地置州假藩麾之盛即封戶牖仍邑櫟  
陽乘華轂者十人保弊廬而萬石又以盛漢君  
臨推恩婁敬隆周朝會迺長滕侯由是紫泥青  
紙遠賁恩澤鄉亭龜組頒及嬰孩自谷遷喬孰  
復爲擬而苞藏鴆毒敢行狼戾連結留異表裏  
周迪盟軟婚姻自爲脣齒屈彊山谷推移歲時

及我穀騎防山定秦望之西部戈船下瀨克匯  
澤之南川遂敢舉斧並助凶孽莫不應茲摧劔  
盡殪醜徒每以罪在首渠憫茲驅逼所收俘馘  
並勒矜放仍遣中使爰降詔書天網恢弘猶許  
改思異既走險迪又逃刑誑侮王人爲之川藪  
遂使袁熙請席遠歎頭行馬援觀蛙猶安井底  
至如遏絕九賦剽掠四民闔境資財盡室封奪  
凡厥倉頭皆略黔首螫賊相扇叶契連蹤乃復  
踰超瀛溟寇擾浹口侵軼嶠嶠掩襲述城縛掠

吏民焚燒官寺此而可縱孰不可容今遣沙州  
刺史俞文向明威將軍程文季假節宣猛將軍  
成州刺史甘他假節雲旗將軍譚瑱假節宣猛  
將軍前監臨海郡陳思慶前軍將軍徐智遠明  
毅將軍宜黃縣開國侯慧紀開遠將軍新除晉  
安太守趙彖持節通直散騎常侍壯武將軍定  
州刺史康樂縣開國侯林馮假節信威將軍都  
督東討諸軍事益州刺史余孝頃率羽林二萬  
蒙衝蓋海乘跨滄波掃蕩巢窟此皆明耻教戰

西書傳卷二十九  
濡須鞠旅累從楊僕亟走孫恩斬蛟中流命馮  
夷而鳴鼓鼉鼉爲駕輜方壺而建旗義安太守  
張紹賓忠誠款到累使求軍南康內史裴忌新  
除輕車將軍劉峯東衡州刺史錢道戢並即遣  
人仗與紹賓同行故司空歐陽公昔有表奏請  
宣薄伐遙途意合若伏波之論兵長逝遺誠同  
子顏之勿赦征南薨謝上策無忘周南餘恨嗣  
子弗忝廣州刺史歐陽紇克符家聲聿遵廣略  
舟師步卒二萬分趨水扼長鯨陸掣封豨董率

衡廣之師會我六軍潼州刺史李膺明州刺史  
戴晃新州刺史區白馱壯武將軍脩行師陳留  
太守張遂前安成內史闕慎前廬陵太守陸子  
隆前豫章太守任蠻奴巴山太守黃法慈戎昭  
將軍湘東公世子徐敬成吳州刺史魯廣達前  
吳州刺史遂興縣開國侯詳使持節都督征討  
諸軍事散騎常侍護軍將軍昭達率緹騎五千  
組甲二萬直渡邵武仍頓晉安按轡楊旌夷山  
堙谷指期倚角以制飛走前宣威太守錢肅臨

川太守駱朱太子左衛率孫詡尋陽太守莫景隆豫章太守劉廣德並隨機鎮遏絡驛在路使持節散騎常侍鎮南將軍開府儀同三司江州刺史新建縣開國侯法甌戒嚴中流以為後殿斧鉞所臨罪唯元惡及留異父子其黨主帥雖有請泥函谷相背淮陰若能翻然改圖因機立効非止肆蕃仍加賞擢其建晉士民久被驅迫者大軍明加撫慰各安樂業流寓失鄉即還本土其餘立功立事已具賞格若執迷不改同惡

趨赴斧鉞一臨罔知所赦昭達既剋周迪踰東興嶺頓于建安余孝頃又自臨海道襲于晉安寶應據建安之湖際逆拒王師水陸為柵昭達深溝高壘不與戰但命軍士伐木為屏俄而水盛乘流放之突其水柵仍水步薄之寶應衆潰身奔山草間窘而就執并其子弟二十人送都斬于建康市

史臣曰梁末之災沴群凶競起郡邑巖穴之長村屯鄔壁之豪資剽掠以致疆恣陵侮而為大

高祖應期撥亂戡定安輯熊曇朗周迪留異陳寶應雖身逢興運猶志在亂常曇朗姦慝翻覆夷滅斯為幸夫寶應及異世祖或敦以婚姻或處其類族豈有不能威制蓋以德懷也遂乃背恩負義各立異圖地匪淮南有為帝之志勢非庸蜀啓自王之心嗚呼既其迷暗所致五宗屠戮宜哉

正誤凡三

志村楨幹謹識

列傳第二十九

陳書三十五

列傳第三十

陳書三十六

唐姚思廉撰

日東志村三左衛門楨幹句讀

始興王叔陵

新安王伯固

始興王叔陵字子嵩高宗之第二子也梁承聖中高宗在江陵為直閣將軍而叔陵生焉江陵陷高宗遷關右叔陵留于穰城高宗之還也以後主及叔陵為質天嘉三年隨後主還朝封康樂侯邑五百戶叔陵少機辯狗聲名疆梁無所推屈光大元年除中書侍郎二年出為持節都

宣永三年

陳書傳卷二十九

督江州諸軍事南中郎將江州刺史太建元年  
封始興郡王奉昭烈王祀進授使持節都督江  
郢晉三州諸軍事軍師將軍刺史如故叔陵特  
年十六政自已出僚佐莫預焉性嚴刻部下懾  
憚諸公子姪及罷縣令長皆逼令事已豫章內  
史錢法成詣府進謁即配其子季卿將領馬仗  
季卿慙耻不時至叔陵大怒侵辱法成法成憤  
怨自縊而死州縣非其部內亦徵攝案治之朝  
貴及下吏有乖忤者輒誣奏其罪陷以重辟尋

進號雲麾將軍加散騎常侍三年加侍中四年  
遷都督湘衡桂武四州諸軍事平南將軍湘州  
刺史侍中使持節如故諸州鎮聞其至皆震恐  
股慄叔陵日益暴橫征伐夷獠所得皆入已絲  
毫不以賞賜徵求役使無有紀極夜常不卧燒  
燭達曉呼召賓客說民間細事戲謔無所不為  
性不飲酒唯多置殺葢晝夜食噉而已自且至  
中方始寢寐其曹局文案非呼不得輒自呈管  
罪者皆繫獄動數年不省視瀟湘以南皆逼為

左右壘里殆無遺者其中脫有逃竄輒殺其妻  
子州縣無敢上言高宗弗之知也尋進號鎮南  
將軍給鼓吹一部遷中衛將軍九年除使持節  
都督揚徐東揚南豫四州諸軍事揚州刺史侍  
中將軍鼓吹如故十年至都加扶給油幢車叔  
陵治在東府事務多關治省閣執事之司承意  
順旨即諷上進用之微致違忤必抵以大罪重  
者至殊死道路籍籍皆言其有非常志叔陵修  
飾虛名每入朝常於車中馬上執卷讀書高聲

長誦陽陽自若歸坐齋中或自執斧斤為沐猴  
百戲又好遊冢墓間遇有瑩表主名可知者輒  
令左右發掘取其石誌古器并骸骨肘脛持為  
翫弄藏之庫中府內民間少妻處女微有色貌  
者並即逼納十一年下所生毋彭氏憂去職頃  
之起為中衛將軍使持節都督刺史如故晉世  
王公貴人多葬梅嶺及彭卒叔陵啓求於梅嶺  
葬之乃發故太傅謝安舊墓弃去安柩以葬其  
母初喪之日偽為哀毀自稱刺血寫涅槃經未

及十月乃令庖厨擊鮮日進甘膳又私召左右妻女與之姦合所作尤不軌侵淫上聞高宗遣責御史中丞王政以不舉奏免政官又出其典籤親事仍加鞭撻高宗素愛叔陵不繩之以法但責讓而已服闋又爲侍中中軍大將軍及高宗不豫太子諸王並入侍疾高宗崩于宣福殿翌日且後主哀頓俯伏叔陵以剗藥刀斫後主中項太后馳來救爲叔陵又斫太后數下後主乳媪吳氏時在太后側自後掣其肘後主因得

起叔陵仍持後主衣後主自奮得免長沙王叔堅手搯叔陵奪去其刀仍牽就柱以其褶袖縛之時吳媪已扶後主避賊叔堅求後主所在將受命馬叔陵因奮袖得脫突走出雲龍門馳車還東府呼其甲士散金銀以賞賜外召諸王將帥莫有應者唯新安王伯固聞而赴之叔陵聚兵僅千人初欲據城保守俄而右衛將軍蕭摩訶將兵至府西門叔陵事急惶恐乃遣記室韋諒送其鼓吹與摩訶仍謂之曰如其事捷必以



公爲台鼎摩訶給報之曰須王心督節將自來  
方敢從命叔陵即遣戴溫譚騏驎二人詣摩訶  
所摩訶執以送臺斬於閣道下叔陵自知不濟  
遂入內沈其妃張氏及寵妾七人于井中叔陵  
有部下兵先在新林於是率人馬數百自小航  
渡欲趨新林以舟艦入北行至白楊路爲臺軍  
所邀伯固見兵至旋避入巷叔陵馳騎拔刃追  
之伯固復還叔陵部下多弃甲潰散摩訶馬客  
陳智深迎刺叔陵僵斃于地閻豎王飛禽抽刀

斫之十數下馬客陳仲華就斬其首送于臺自  
寅至巳乃定尚書八座奏曰逆賊故侍中中軍  
大將軍始興王叔陵幼而狠戾長肆貪虐出撫  
湘南及鎮九水兩藩昨庶掃地無遺蜂目豺聲  
狎近輕薄不孝不仁阻兵安忍無禮無義唯我  
是聞及居偏憂媼樂自恣產子就館日月相接  
晝伏夜遊恒習姦詭抄掠居民歷發丘墓謝太  
傅晉朝佐命草創江左斲棺露骸事驚聽視自  
大行皇帝寢疾翌日未瘳叔陵以貴介之地參

侍醫藥外無戚容內懷逆弒大漸之後聖躬號  
擗遂因匍匐手犯乘輿皇太后奉臨又加鋒刃  
窮凶極逆曠古未傳賴長沙王叔堅誠孝懇至  
英果奮發手加挫拉身蔽聖躬叔陵仍奔東城  
招集兇黨餘毒左熾自害妻孥雖應時梟懸猶  
未攄憤怨臣等參議請依宋代故事流尸中江  
汗渚其室并毀其所生彭氏墳廟還謝氏之塋  
制曰凶逆梟獍反噬宮闈賴宗廟之靈時從釋  
滅撫情語事酸憤兼懷朝議有章宜從所奏也

叔陵諸子即日並賜死前衡陽內史彭曷諮議  
參軍兼記室鄭信中錄事參軍兼記室韋詒典  
籤俞公喜竝伏誅曷叔陵舅也初隨高宗在關  
中頗有勤効因藉叔陵將領歷陽衡陽二郡信  
以便書記有寵謀謨皆預焉諒京兆人梁侍中  
護軍將軍榮之子也以學業為叔陵所引陳智  
深以誅叔陵之功為巴陵內史封游安縣子陳  
仲華為下雋太守封新夷縣子王飛禽除伏波  
將軍賜金各有差

新安王伯固字牢之世祖之第五子也生而龜  
背目通精揚白形狀眇小而俊辯善言論天嘉  
六年立為新安郡王邑二千戶廢帝嗣立為使  
持節都督南琅邪彭城東海三郡諸軍事雲麾  
將軍彭城琅邪二郡太守尋入為丹陽尹將軍  
如故大建元年進號智武將軍尹如故秩滿進  
號翊右將軍尋授使持節都督吳興諸軍事平  
東將軍吳興太守四年入為侍中翊前將軍遷  
安前將軍中領軍七年出為使持節散騎常侍

都督南徐南豫南北兗四州諸軍事鎮北將軍  
南徐州刺史伯固性嗜酒而不好積聚所得祿  
俸用度無節酣醉已後多所乞巧於諸王之中  
最為貧窶高宗每矜之特加賞賜伯固雅性輕  
率好行鞭撻在州不知政事日出田獵或乘眠  
輦至於草間輒呼民下從遊動至旬日所捕麋  
鹿多使生致高宗頗知之遣使責讓者數矣十  
年入朝又為侍中鎮右將軍尋除護軍將軍其  
年為國子祭酒領左驍騎將軍侍中鎮右竝如

故伯固頗知玄理而墮業無所通至於擿句問  
難往往有奇意為政嚴苛國學有情遊不修習  
者重加擯獲生徒懼焉由是學業頗進十二年  
領宗正卿十三年為使持節都督揚南徐東陽  
南豫四州諸軍事揚州刺史侍中將軍如故後  
主初在東宮與伯固甚相親狎伯固又善嘲諷  
高宗每宴集多引之叔陵在江州心害其寵陰  
求疵瑕將中之以法及叔陵入朝伯固懼罪諂  
求其意乃共訕毀朝賢歷詆文武雖耆年高位

皆面折之無所畏忌伯固性好射雉叔陵又好  
開發冢墓出遊野外必與偕行於是情好大叶  
遂謀不軌伯固侍禁中每有密語必報叔陵及  
叔陵出奔東府遣使告之伯固單馬馳赴助叔  
陵指揮知事不捷便欲遁走會四門已閉不得  
出因同趣白楊道臺馬客至為亂兵所殺尸於  
東昌館門時年二十八詔曰伯固同茲悖逆殞  
身途路今依外議意猶弗忍可特許以庶人禮  
葬又詔曰伯固隨同巨逆自絕于天俾無遺育

抑有恒典但童孺靡識兼預葭苴寘之旬人良  
以惻憫及伯固所生王氏可竝特有為庶人國  
除

史臣曰孔子稱富與貴是人之所欲非其道得  
之不處也上自帝王至於黎獻莫不嫡庶有差  
長幼攸序叔陵險躁奔競遂行悖逆輟磔形骸  
未臻其罪汗渚居處不足彰過悲哉

列傳第三十

陳書三十六

